



1245/24

13.08.24

06/3

h

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08) i člana 30. Zakona o izvršavanju Budžeta Unsko-sanskog kantona za 2024. godinu („Službeni glasnik Unsko-sanskog kantona“, broj: 09/24 i 16/24), na prijedlog Ministarstva privrede, Vlada Unsko-sanskog kantona na 61. sjednici, održanoj dana 8.8.2024. godine, d o n o s i

ODLUKU

o kriterijima i postupku dodjele sredstava odobrenih u Budžetu Unsko-sanskog kantona za 2024. godinu putem Ministarstva privrede sa pozicije Tekući grantovi drugim nivoima vlasti i fondovima

Član 1. (Predmet)

Ovom Odlukom utvrđuju se kriteriji i postupak dodjele budžetskih sredstava (u daljnjem tekstu: sredstva), odobrenih u Budžetu Unsko-sanskog kantona za 2024. godinu putem Ministarstva privrede (u daljnjem tekstu: Ministarstvo) sa pozicije Tekući grantovi drugim nivoima vlasti i fondovima, cilj, sredstva za implementaciju, pravo učešća, način podnošenja prijava, kriterij za raspodjelu sredstava, namjena utroška sredstava, iznos sredstava koji se dodjeljuje, raspodjela sredstava i rok za implementaciju, ugovor o dodjeli sredstava, izvještavanje o utrošku sredstava te stupanje na snagu.

Član 2. (Cilj)

Cilj Odluke je pružanje podrške općinama i gradovima Unsko-sanskog kantona (u daljnjem tekstu: Kanton) za realizaciju projekata iz oblasti turizma definisanih ovom Odlukom.

Član 3. (Sredstva za implementaciju)

Sredstva za implementaciju ove Odluke obezbijeđena su u Budžetu Ministarstva na ekonomskom kodu 614100 - „Grantovi nižim nivoima vlasti“, subanalitika-FAL001 - u iznosu od 300.000,00 KM (slovima: tristotinehiljadakonvertibilnihmaraka 00/100).

Član 4. (Pravo učešća)

- (1) Pravo učešća imaju općine i gradovi Kantona.
- (2) Pravo na dodjelu sredstava ostvaruju općine/gradovi koje/koji podnose zahtjeve za refundiranje/sufinansiranje projektnih aktivnosti iz člana 7. ove Odluke.

Član 5.
(Način podnošenja prijava)

- (1) Općine i gradovi podnose prijavu na način da Ministarstvu dostavljaju zahtjev za refundiranje/sufinansiranje projektnih aktivnosti sa narativnim opisom i finansijskom konstrukcijom, odnosno obrazloženjem potrebnih finansijskih sredstava neophodnih za realizaciju projektnih aktivnosti.
- (2) Potpisana i ovjerena izjava načelnika/gradonačelnika da će se doznačena sredstva utrošiti za refundiranje/sufinansiranje projektnih aktivnosti u skladu sa ovom Odlukom.

Član 6.
(Kriteriji za raspodjelu sredstava)

- (1) Raspodjela sredstava će se vršiti na osnovu dostavljenih zahtjeva općina/gradova za refundiranje/sufinansiranje projektnih aktivnosti za koje se utvrdi da:
 - ispunjavaju formalno-pravne uslove, da su blagovremeni, potpuni i osnovani;
 - za koje se ocijeni da će isti imati/dati značajniji doprinos razvoju turizma lokalne zajednice, a prednost pri vrednovanju zahtjeva će imati zahtjevi općina/gradova koje/koji ispune dodatne kriterije;
- (2) Dodatni kriteriji, koji će predstavljati prednost pri odabiru, su:
 - da projekat predstavlja novost u turističkoj ponudi;
 - da projekat ima internacionalni karakter;
 - da projekat promovira domaće proizvode, autohtonu kulturu, tradiciju i običaje;
 - da projekat afirmiše saradnju među gradovima/općinama;
 - da je projekat uključujući i senzibilan prema osjetljivim društvenim kategorijama (djeca, osobe s poteškoćama, stare osobe, nezaposleni);
 - da projekat angažira volentere i promovira volonterizam.

Član 7.
(Namjena utroška sredstava)

- (1) Sredstva dodijeljena po ovoj Odluci mogu se koristiti za refundiranje/sufinansiranje projektnih aktivnosti održanih u periodu 1.1.- 31.12.2024. godine, a koje se odnose na:
 - a) unapređenje postojeće turističke ponude,
 - b) organizaciju turističkih manifestacija.
- (2) Neprihvatljivi troškovi, za koje se ne mogu koristiti sredstva, su: troškovi tekućih komunalnih usluga (telefon, struja, voda, plin, gorivo i sl.), lični dohodak (plaće, doprinosi, službena putovanja i ostale naknade radnika korisnika sredstava) i ugovori o djelu s fizičkim licima.
- (3) Svako korištenje odobrenih sredstava suprotno namjenama utvrđenim stavom (1) ovog člana smatrat će se nenamjenskim utroškom.

Član 8.

(Iznos sredstava koji se dodjeljuje)

Sredstva se dodjeljuju za sufinansiranje projektnih aktivnosti i to:

- a) za općinu Kantona do 36.000,00 KM,
- b) za grad Kantona do 40.000,00 KM.

Član 9.

(Raspodjela sredstava i rok za implementaciju)

- (1) Sredstva se raspoređuju općinama i gradovima Kantona na osnovu dostavljenih zahtjeva do iznosa utvrđenih u članu 8. ove Odluke.
- (2) Rok za realizaciju projekata je 31.12.2024. godine.

Član 10.

(Ugovor o dodjeli sredstava)

- (1) Ministarstvo sa općinama i gradovima zaključuje ugovore o dodjeli sredstava.
- (2) Ugovor o dodjeli sredstava iz stava (1) ovog člana sadrži: ugovorne strane, predmet i cilj Ugovora, odobreni iznos sredstava i doznačavanje, obaveze i odgovornosti ugovornih strana, trajanje i raskid Ugovora i ostale odredbe.

Član 11.

(Izvještavanje o utrošku sredstava)

- (1) Korisnici sredstava, u skladu sa ugovorom iz člana 10. ove Odluke, obavezni su dodijeljena sredstva Ministarstva koristiti namjenski i dužni su dostaviti:
 - a) izvještaj korisnika sredstava o namjenskom utrošku dodijeljenih sredstava sa kompletnom dokumentacijom,
 - b) izjavu potpisanu i ovjerenu od strane načelnika/gradonačelnika kojom se potvrđuje namjenski utrošak sredstava i da je provedena procedura javnih nabavki u skladu sa Zakonom.
- (2) Dokumentacija koja se dostavlja uz Izvještaj o namjenskom utrošku sredstava, a kojom se dokazuje namjenski utrošak sredstava, mora biti u originalu ili ovjerenoj kopiji (ugovori, računi, izuzev izvoda iz banke o izvršenom plaćanju računa i fotodokumentacije) datirana od 1.1.2024. godine do 31.12.2024. godine.
- (3) Rok za dostavu izvještaja je najkasnije 15 dana od dana isteka roka za implementaciju projekta, definisan članom 9. stav (2) ove Odluke.
- (4) Ministarstvo vrši nadzor namjenskog trošenja sredstava odobrenih korisnicima na osnovu dostavljenih izvještaja, a po potrebi i neposrednim nadzorom kod korisnika sredstava.
- (5) Ukoliko Korisnik sredstava ne dostavi Izvještaj o utrošku sredstava ili nenamjenski utroši sredstva, Ministarstvo pokreće zakonom propisan postupak za povrat finansijskih sredstava i izriče zabranu pristupa budućim poticajnim sredstvima.

(6) O utrošenim sredstvima po ovoj Odluci Ministarstvo će, u skladu sa Odlukom o usvajanju programa utroška, a nakon dostavljanja Izvještaja o utrošku sredstava, izvijestiti Vladu Kantona.

Član 11.
(Stupanje na snagu)

Ova Odluka stupa na snagu danom donošenja i objavit će se u „Službenom glasniku Unsko-sanskog kantona“.

Broj: 03-02-51-1196/2024
Bihać, 8.8.2024. godine

